

## Esitεε Di mpátiri tσ tii náahti

De kó dipátiri ti náá ntii do dòò tì nti Perisi kó ketenkè be kó dihei bè tu di Susi di miεke Sifube do kè tu dii mōnni tidaati. Oniti mōu bè tu wè Amaa kòò í ndó Sifube kénwanti ò bo yimè kè bèε kuσ Sifube bèè kè bo.

Sifube kóò sapàà mmōu bè tu wè Esitεε kòo ke náá nhokpààti pokù, weè do tì nàké okpààti kènte kè bè í nkùσ Sifube bèè do bo be εi miεke. Nè Kuyie nkó meteemmè kè bèε kuσ Amaa kè Sifubeε cooté.

*Di mpátiri náahti duσ ke dòmmè*

1. Bè tāātémè Esitεε kòo bo náá nhokpààti pokù 1:1-2:20
2. Esitεε coommè Sifube 2:21-7:10
3. Sifube pèitemè be dootitòbè 8-10

*Okpààti Asyeduusi ānnémè dibanni*

<sup>1</sup> Asyeduusi tu dii mōnni okpààti ke baké Endi nè Etiopii itempē ntekòutè nè sipísidé nè iyiekè (127),

<sup>2</sup> ke kari diheidiè Susi miεke nke.

<sup>3</sup> O kpàti benni tāānni kòo ānné dibanni, kényú benitidiεbè nè mìnísibè nè iwēī yembè Perisi nè Medii kōbe nè kùmandáábè,

<sup>4</sup> kédennení tikpààtinenti nè tinenti teti tii mièti, kè de kó dibannii mōnte kēmmōke betàábè bèkuò.

<sup>5</sup> De kó difōnkúò kòo yú diheidiè Susi kōbe bemōu, bekperibè nè becīribè, kéānné dibanni o cīètè towaà kè di mmōke yewe yeyiekè.

<sup>6</sup> Kòo núnné tiyaàpéiti nè tii dò nnúúsi nè tiwūōti, kécátinné demámānnè mesōw nkperε, kéduó nkè bèε

pítinné yetákperè kó yesǎ̀nkè, kédenneni mesɔ̀ nnè timátì péitì kó yedúú kédúú mbe ce dè ke dàri yetápié nè yewũ̀dyè nè yesò̀yè.

<sup>7</sup> Bè do yǎ̀nnè ìì bòòke menàà nyi do tú mesɔ̀ nkpeyi nyi ke cáá nyibotí ibotí, kè menàà nsū kè bè toti benitibè bemou.

<sup>8</sup> Bá wè kòo nyè̀ nhò dómè, ke yé okpààti do nàkémè o tǎmbè ke dò bè nduò mbá wè ò dómè.

<sup>9</sup> Kòo nitipokpààti Fasitii me ntó ǎ̀ ã̀ benitipòbè dibanni okpààti Asuyeduusi cǐ̀tè̀.

### *Okpààti pokù Fasitii yetemè o dà̀u kpeti*

<sup>10</sup> Diyiè yiènni yiè kòo kpààti yǎ̀ menàà nkòo yèmmèe caté, kòo yú bè fǒmmu bè kè bè pǐ ntekpààticǐ̀tè̀ mièke mutǎmmú, bèè tu: Meumaa nè Bisitaa nè Adibona nè Bikitaa nè Akakitaa nè Setaa nè Kadikasi.

<sup>11</sup> Ke dò bèe kate kényúni onitipokpààti Fasitii kòo nhókè dikpààtipì kékatení kèbenke o wenniku benitibè nè benitidièbè ke yé ò wennimè mediè.

<sup>12</sup> Kòo kpààti tǎmbèe kate kénáké Fasitii kòo yete ke í nkàte, kòo kpààti mièke pèike mediè.

<sup>13</sup> Kòo yú mecii nyembè bèè yé ikuó nè tibeénti kè bèe tíi nho borè.

<sup>14</sup> Bèè tu Kasena nè Setaa nè Adimata nè Tasisi nè Medesi nè Maaseonaa nè Memukǎ́ beyiekè bè do tú Perisi nè Medii kòbe mbe, bèè do baké dihei ìkè ke tū nhokpààti.

<sup>15</sup> Kòo kpààti bè beke ke dò: Ti dò nkédòò ba onitipokpààti Fasitii wèè yete n tǎ nkè bè ò nàké ti?

<sup>16</sup> Kè Memukǎ́ náké okpààti nè miníisibè ke dò: Onitipokpààti í ǎ̀nné okpààti mǎ̀a ndi ifei,

wè ì ǎnnému mìníísìbè nè benìtìbè bɛmɔu, itempɛ nyimɔu.

<sup>17</sup> Benitipòbè bɛmɔu yóó keèmu okpààtì yumè onitipokpààtì Fasitii kòò yete ke múnke nyetírí bɛ daabè kpɛti, ke tú okpààtì do yu o pokù kòò yetemu.

<sup>18</sup> Perisi nè Mɛdii kóò mìníísìbè pobè yóó tì kèèmu kétúóté de kó mɛborime kényetírí bɛ daabè kpɛti, ke íinko bɛ miɛke.

<sup>19</sup> Okpààtì, kàa bo yie nha wāri yepáte kédenne Fasitii kéwaá nhotòu wèè ò pɛ̀ɛ̀tɛ̀, kòò cɔutɛ̀ o fǎ̀tìrì kè de kó tináàntì wāri Perisi nè Mɛdii kuó pátiri miɛke bá òmòu báá na ké tì cèète.

<sup>20</sup> A tenkè diekè kemɔu kɔbe bo keè dìì mǎnnì a dǎ̀ò tì bá wèè nitipòkù bo nyíé nho dǎ̀u kpɛti, bá kòò deɔ yoo ò kéńni.

<sup>21</sup> Kè de kó tináàntì narike okpààtì nè mìníísìbè kè bèe yie Memukāã kpɛti.

<sup>22</sup> Kòò wāri yepáte itempɛ nyimɔu bá kùu botí, ku wārii dǎ̀mmè nè ku náàntì ke dǎ̀, bá wèè nitidòu mbaké o cǐ̀ɛ̀tɛ̀ ke tɛ̀ nàá nho botí náàntì.

## 2

### *Esitɛɛ naámmè onitipokpààtì*

<sup>1</sup> Kè dèe mǎnte kòò kpààtì miɛkeɛ do, kòò dentení Fasitii do dǎ̀ò dè nè bè do ò nàké tì.

<sup>2</sup> Kòò kpààtì tǎmbè dǎ̀: Tí waánnè okpààtì besapàmbè bèè wenni ke mu nyí yé benitidaabè.

<sup>3</sup> Okpààtì á dei benìtìbè a tempɛ nyimɔu, kè bèe tǎáte besapàmbè bèè wenni ké bè tanné tenitipocǐ̀tɛ̀ diheidiè Susi, kè Ekee ndake bɛ kpéi nke bè duò ndèè bo wénkùnnɛ bɛ kǎ̀ntì. Ekee do tú bè fǎ̀nte

wènwe kòò pĩ ntekrààtìcǐètè miεke mutǝmmú ke baa benitipòbè.

4 Kε bè dò: Okpààti, a bo pénsìrì wèè sapàà mbe miεke kòò cǝuté onitipokpààti Fasitii fǝtìrì.

Kòò kpààtìi yie ndε kó tináaṅtì.

5 Kε sǝ nSifu mǝu bo Susi diheidiè kòò yètìrì tu Maadosee Yaii birε, Simmeii nè Kiisi be yaabirε Bensamεε wuǝ nkou.

6 Nebukannesaa do na Sedisademmu kérépǝmmú bèmbε kékònnè. Bè do pĩ mèmme Yekonniya Suda kóò kpààti.

7 Kε sǝ nhEsitεε yembè ku kè be tebitε Maadosee ò tùóté ke bonè. Esitεε do wenni mediè mme.

8 Bè duó ndii mǝnni tináaṅtì kè bè ntǝuní besapàmbè Susi diheidiè, kè Esitεε nkǝké de miεke kè bèε bè duó nhEkee wèè bàa benitipòbè, kòò ndake be kpéi.

9 Kòò pénsìrì Esitεε mesàà nkóò duó ndèè bo wénkùnnε o kǝntì, kè nhò duò mmudii, kètǝāté benitipotǝmbè bèyiekè tekrààtìcǐètè kóò duó, kóò tanné tenitipocǐètè sààtè.

10 Esitεε do í nǝké ò tumè Sifu ke yé Maadosee do ò tiémme ke dò ò báá nǝké.

11 Yεwe yemǝu kè Maadosee níi nfirì tenitipocǐètè ke bo yà Esitεε kǝnnaatí nè bè ò dàòrimè.

12 De kó besapàmbè do mǝke dibenni ndi ke wuǝ ke panti. Bè do keté kè bè duó mmíirì kó mekùǝ mme betǝǝbè bèkuǝ kpéi, kè bè yìé tùdààrí nè detere dèè wénkùnko tikǝntì, bá wèè sapàà nkòò ndò nkékǝte okpààti Asuyeduusi borè,

13 kɛ wɛ̀ɛ sapàà nk̀rì bɛ̀ɛ ò duó nhò d́ kɛ̀ntɔ̀ dɛ̀ɛ ḱo dimàà.

14 Bè do ɔ̀ɔ̀ kɔ̀tɛ kuyuoku nku okpààti borè, kɛ̀ dɛ̀ɛ wenté kɛ̀ bɛ̀ɛ bɛ̀ k̀tɛnɛ̀ tenitipocĩ̀tɛ̀ tetè Sasikaasi bàa dè okpààti pocĩ̀ɛ̀. Sasikaasi do tú bɛ̀ f̀ntɛ̀ wɛ̀ nwe kòò pĩ̀ ntekpààticĩ̀tɛ̀ miɛ̀kɛ̀ mutõmmú kɛ̀ baa okpààti pocĩ̀ɛ̀. Òm̀òu ɔ̀ɔ̀ í nwɛ̀tɛ̀ okpààti borè kɛ̀ dè í tú okpààti wɛ̀ɛ ò d́ kòò yu.

15 Dè t̀ùòkɛ̀ dìi yìè Maadosee tebitɛ̀ Abikaii do ku kòò túóté dɛ̀ɛ birɛ̀ Esitɛɛ bo k̀tɛmɛ̀ okpààti borè, bá wenwe í mbekɛ̀ d̀ɛmarè kɛ̀ dè í tú Ekee do yɛ̀ nhò ntɔ̀ dè. Kè benitibè bɛ̀m̀òuu p̀énsirì Esitɛɛ.

16 Kè bɛ̀ɛ ò t̀ùóté kék̀tɛnɛ̀ okpààti Asuyeduusi borè tekpààticĩ̀tɛ̀ o kpàti benni yíènnì, dibenni kóo t̀ànkù p̀íínwè, bɛ̀ tu wɛ̀ɛ t̀ànkù Kisideu\* betààbè tɛ̀p̀íítè nè odèrì nè otààkètiwè dɛ̀ cuokè nkɛ̀ (mɛ̀waanaà nnè t̀ààp̀ò dɛ̀ cuokè).

17 Kòò kpààtìi p̀énsirì Esitɛɛ, kɛ̀ nhò d́ kɛ̀ dè p̀ɛ̀tɛ̀ benitipòbè t̀òbè nè besapàmbè, kòò ò òò ndikpààtìp̀ìi kòò c̀òutɛ̀ Fasitii f̀òtìrì.

18 Kòò kpààtìi ànné dibanni Esitɛɛ kp̀éi nkéyú benitidiɛ̀bè nè m̀íníísibè k̀épaà ndàmpòò o tempè nyim̀òu, k̀épaàmmú yep̀ārè nè diwèi.

19 Kè bɛ̀ɛ wɛ̀tɛ̀ k̀étii mbesapàmbè kuce medérímè kè Maadosee mp̀i mmutõmmú tekpààticĩ̀tɛ̀.

20 Esitɛɛ do í nàkè ò bonní dè nè o botí kéndònnè Maadosee do ò nàkémè, kòò tì yie nkéndò nhò kpàá kɛ̀ bo o cĩ̀tɛ̀.

*Bè do d́mè kék̀uɔ̀ okpààti kè Maadosee bɛ̀ d́áa*

\* **2:16 Kisideu:** Bè do kaa mmèè botí bɛ̀ kó betààbè nè ti kaammè yíè ndè í wɛ̀. Bɛ̀ kóo t̀ànkù Kisideu berínè ti kó

21 Diyiè mari kè Maadosee mpĩ nho tōmmú tekprààticĩètè kè Bikitāā nè Tedekei bedé kè bè tu bè fōmmu bè kè bè pĩ ntekprààticĩètè miεke mutōmmú ke baa tekprààticĩètè bōrè, kè be miεkeε peike okpààti kè bè ndó kóò kùò.

22 Kè Maadosee tì kèè kénáké Esitεε, kè Esitεε tì náké okpààti nè Maadosee kó diyètìrì.

23 Kè bèε fié tináaṅtì ke nsó ntì tu timómmṅntì, kè bèε bè pĩ mbedé, kécós nyideí, kēwāri de kó tináaṅtì diheikēmpátìri miεke okpààti ìkè.

### 3

#### *Amanni dómè kékuo Sifube*

1 Kòo kpààti Asuyeduusi déúkūnne Amanni Amεdata birε, Akaki yaabirε, kóò níí ndeyìkè kòo mbaké mìnìísìbè bεmou.

2 Kè tekprààticĩètè tōmbè bεmou nninku ke dɔuo Amanni ìkè, kè Maadosee weè máà yetε.

3 Kè betōmbè tɔbèε ò beke ke dà: Dè dōmme kàa yetε okpààti duó ndìi nùù?

4 Kè bè mbékú Maadosee yewe yeṁou. Kòò dà: N tú Sifu nwe, kè bèε tì náké Amanni ke bo yà Maadosee bo nkpaá sáké.

5 Kè Amanni yà Maadosee yetεmè ke í ninku ke dɔuo o ìkè, kòo miεkeε peike.

6 Kè bèε ò náké Maadosee túmè Sifu, kòo nsó ndè í sànnè ò bo wè nkuṁmè omáà, kéndó kékuo Sifube bεmou bèè bo okpààti Asuyeduusi tenkè.

7 Okpààtì Asuyeduusi kpàtì benni tɛpíítè nè didéri, otànkù ketiwè, bè tu wèè tǎnkù Nisāā\*. Kè Amanni bɔ nyipāādíítí kɛ bo yà wèè tǎnkù nwe nè dìi yie ndi ò yóó p̄mmè o tōmmú, kè idíítí do dibenni tǎnkù tɛpíítè nè odéríwè, bè tu wèè tǎnkù Adari†

*Amanni dómè bèɛ kuɔ Sifubɛ bɛmɔu*

8 Kè Amanni náké Asuyeduusi kɛ dɔ: Kubotí makù kuù bo a èi kó itempɛ nyimɔu kè ku borimɛ cáá, mè í dònne ibotí tɛi kōmɛ, kù í yie nyikpààtikúó. Okpààtì báá sǒnté kényóu kè dè mbè dò mbàmmù.

9 Okpààtì kàa tì pɛnsìrì wāri dipátírì kè bèɛ bè kùɔ. N yóó duómmu idíítí cidóòbè sɪkɔupíkɔusitāāti (300000) kè miníisibèɛ ì tanné dikpààtítɔu.

10 Kòo kpààtìi ũtè o māmáá nkéduó nhAmanni Amɛdata birɛ Akaki yaàbirɛ Sifubɛ dootitɔu.

11 Kòo kpààtì dɔ: Bá n duó nyidíítí, n da duómmu dɛ kó benitibè, dɔɔ bè a dómè.

12 Kè Amanni náké kè bèɛ wāri yɛpáte kéduó nhokpààtì tūmbè nè kùmàndáàbè bèè baké itempɛ, nnè ibotí kó bekpààtibè, kéwāri bá kùù botí nè ku náàntì nè ku wārii, bè náá ntì bè èi miɛkɛ, kédeè kɛ ìkú bɛ nɔu nè okpààtì yètìrì kɛ ìkú o cannimè, kéduó mbèè baké itempɛ nyimɔu nè ibotí kó bekpààtibè.

13 Kè bèɛ tō nyetōrè kè yèɛ kɔtɛnɛ yɛpáte itempɛ nyimɔu kè bè bo kuɔ Sifubɛ bɛmɔu páíí, ibí nè bekwótibè nè benitipòbè diyie òmáá, dibenni tǎnkù

\* **3:7 Nisāā:** Bè do kaa mmèè botí bɛ kó betāābè nè ti kaammè yíe ndè í wɛ, bɛ kóo tǎnkù Nisāā berínè ti kó betāābè otāānwè nè onaanwè dɛ cuokè nke (tibénti nè dínótōòrì dɛ cuokè). † **3:7 Adari:** Bɛ kóo tǎnkù Adari berínè ti kó betāābè odéri nè otāānwè dɛ cuokè nke (dɛwannè nè tibénti dɛ cuokè).

τεπίιτè nè odéríwè diyìè τεπίίτè nè ditáánnì ndi bè yóó bè kuómè kéhéí be kπερε.

<sup>14</sup> Kè bèε cαúté dipátíri bá kùù tempē nképiĩéké kè bè bo nyé de kó diyìè kébáátí.

<sup>15</sup> Kè yetōrèε íté mecãã nképité tináaàtì diheidìè Susi miεke, kòo kpààtì nè Amanni kè bεmbe kari ke yò, nkè diheì dimou yèmmè cààrè.

## 4

### *Sifubε yèmmè cààrèμè kè bèε bouú dinùù*

<sup>1</sup> Maadosee tì kèè dìì mǎnnì kékēté o yaàbòrì kédáátí kufòòtǎnkù kápũ mmutápéi nkénkuò mmediè nke firì diheì,

<sup>2</sup> ke bii tuoke tekpààtìcǐētè kécómmú ditowàà ke yé bè òò í ndáátímè meyeñcaàrìμè kó tiyààtì kéta tekpààtìcǐētè.

<sup>3</sup> De kó tináaàtì do tùòke ìì tempē, nkè Sifubεε tì kèè be yèmmè do cààrèμu kè bè mboú yenò ke dáátí tifòòtǎntì kápũ mmutápéi.

<sup>4</sup> Kòo nitipokpààtì Esitεε nitipotōmbè nè bè fǐmmu bè kè pĩ nho tōmmú tekpààtìcǐētè miεke kè bèε tì nhò nàké kè dèε caàrè o yèmmè mediè. Kòo waá ntiyààtì kédúónko kè Maadosee bo dáátí kényóu kufòòtǎnkù, kòo yete.

<sup>5</sup> Kè Esitεε yu Ataki bè fǐnte wè kòò pĩ ntekpààtìcǐētè miεke mutōmmú, kòo kpààtì wè nhò duó nkòo bo mpĩ nho tōmmú, kóò tǎ nke dà wèε beke Maadosee kényà dè dòmmè nè mùù te.

<sup>6</sup> Kè Atakii yeroo kényà Maadosee tekpààtìcǐētè towàà.



7 Kɛ Maadosee ò nàké demou nè Amanni yɛ nhò bo tanné ìì díítí dikpààtìtɔu kénsà kɛ bè kùò Sifube bemou.

8 Kɛ Maadosee duó nhAtaki dipátiri bè wári di Susi ke bo kuò Sifube kó dimàà, ke dà wèè di duó nhEsitɛɛ kòò nàké dè dóm̃mè. Kòo kɔte kébántè okpààtì o botí kòbe kpéí.

9 Kɛ Atakii wɛte kénáké Esitɛɛ Maadosee ò nàké tì.

10 Kɛ Esitɛɛ dà: Wɛtoò kénáké Maadosee ke dà:

11 Benitìbè bemou nè okpààtì tǔmbè nè bèè kó dimàà bo o tempɛ nyimou bè yému ikuó túmè òmòu báá ta okpààtì cǐtètè kòò í ò yu, kɛ wèè ta bèè ò kùò, okpààtì bo youte wè kupààtì mesòò nkòku weè máà bo nfòu. Dè màke yíe nhotànkù nwe okpààtì n yumè.

12 Kɛ bèè nàké Maadosee Esitɛɛ yɛ mmù.

13 Kɛ Maadosee tǔnnóò tináàntì ke dà: A yèmmè bá ndò nha bo cooté amáà a bo mèè kpéí nhokpààtì cǐtètè.

14 Kàa cǐéké ke í bɛi, nSifube yóó pétému meteèmmè kupíkù tekù kécooté, kàa kú f̃ nnè a cǐtètè. Kɛ dè yèmmè meháàrìmè miè nkpréi nke a naámmè okpààtìpokù.

15 Kɛ Esitɛɛ tǔnnóò Maadosee ke dà:

16 Kɔte kɛtíí nSifube bemou bèè bo Susi kɛ dí bouú dinùù n kpéi nyewe yètããti, keyènkè nè kuyie, di báá di mucie, di báá yà menie. M múnke yóó bouúmu nè n nitipotǔmbè. Bá nè ikuó me mbomè n yóó kɔtemu okpààtì borè, kɛ m bo kú, n kú.

17 Kɛ Maadosee kɔte kédòò Esitɛɛ ò nàké tì.

*Esitεε kàtemè okpààti borè*

<sup>1</sup> Bè bou memme dinùù kédeè, diyie tāānni yie kè Esitεε dáátí tikpààtipoyààti kétaroo tekpààticīētè kudànkù, kécómmú kéwetínné okpààti kàri kùù dieku bòri ke ś nhokpààti kàri o kpààtikàri ke wetí dibòri.

<sup>2</sup> Kòo kpààtìi yà onitipokpààti Esitεε kòò còmmú kudànkù, kòo yie nkòò youte kukpààtipààti mesəə nkəku, kè Esitεε taroo kékááké ku yómmè.

<sup>3</sup> Kòo kpààtìi ò beke ke dò: Esitεε, a dó ba kè n dè nda duó, mbá n kpàti kó dikéè!

<sup>4</sup> Kè Esitεε dò: Okpààti n da ānné dibanni ndi. Kàa bo yie nè Amanni dí kətení yie n cīētè kédì.

<sup>5</sup> Kòo kpààtìi t̄o nke dò: Bèè náké Amanni kòo kətení mēcāā nkè bèè kəte bedé Esitεε bè yu diì banni.

<sup>6</sup> Bè di diì mōnni kédeè kòo kpààtìi beke Esitεε ke dò: A dó ba kè n dè nda duó? Bá n kpàti kó dikéè m bo da duó.

<sup>7</sup> Kè Esitεε dò: Okpààti n dó tì tu:

<sup>8</sup> Kàa yie nke bo n dōò mesàà nha naa wētení nè Amanni kè dí di n cīētè kè n da náké n dó tì.

*Amanni cīékémè kudóu ke bo cós mMaadosee*

<sup>9</sup> Memme ke Amanni nyetini Esitεε cīētè kè diwèi ò bo kòo yèmmè naati mediè nkòo yà Maadosee kòo kàri tekpààticīētè towaà, wè í nyité ke còmmú, ò mè nyí benke fededíéfè mafè, kè Amanni miεkeε ò còuté mesàà.

<sup>10</sup> Kòo minné kékò nkétíi nho néposààbè nè o pokù Sedesi.

<sup>11</sup> Kòo bè kàmmu o kpàti māmè nè o bí nè okpààti ò tāātémè ke nií mbetōmbè nè mìnísìbè bεmou ùikè tikpàti miεkeε.

12 Kε dɔ̀: Mí nwe onitipokpààtì Esitɛɛ yumè nè okpààtì kè ti wěnné ke di o cǐɛ̀tè, kòò wě̀tε ke n yu nanke nè okpààtì kè ti kəri.

13 Dende kó dimàà í n naati kè nsà kè Maadosee Sifu kpaá ke pǐ ntekpààtìcǐɛ̀tè mutǔmmú.

14 Kòo pokù Sedesi nè o nɛ̀pobè bεmɔuu ò nàké ke dɔ̀: Cíéké kudɔ́ú kè ku okùmè mbo métiribè sipísidé nè bènùmmù, kàa yè dikũnwehni ke náké okpààtì kè dí cós mMaadosee ku ñnkè, kàa na kékɔtε dibanni nè diwèì.

Kè de kó tináàntìi narike Amanni.

## 6

### *Bè dèúkùmmè Maadosee ke kékùnnε Amanni*

1 Dè yìe kè inuɔ nyete okpààtì Asuyeduusi de kó keyènkè, kòo duó nkè bèe túóténí diheikèmpátiri bè wǎũ dìi miεke tìi kó dimàà dòòri. Kòo duó nkè bèe dì kàa nho ìkè.

2 Kè bèe kaa Bikitana nè Tedeki bèè do tú bè fǔmmu bè kè bè pǐ ntekpààtìcǐɛ̀tè miεke mutǔmmú, ke baa tekpààtìcǐɛ̀tè bòrè kéndó kékuɔ okpààtì kè Maadosee bè dáa nkè bèe wāri tì.

3 Kòo kpààtì dɔ̀: Kè bè né ò dòò ñmmε sàà nke dèúkùnnε o yètiri de kpéí? Kè bè dɔ̀: Bè í ò dòò mùmamù.

4 Kòo kpààtì dɔ̀: We mbo kudànkù? Dè do sǎ nhAmanni wèè taroo ke bo náké okpààtì kè bèe cós mMaadosee ò cìéké kùù dɔ́ú.

5 Kòo kpààtì tǔmbè dɔ̀: Amanni nwe. Kòo kpààtì dɔ̀ wèè tanní.

6 Kè Amanni taroo kòo kpààtì ò beke ke dɔ̀: Bè ññ dɔ̀ò ba onitì okpààtì dɔ̀ kédéúkùnnε wè nè o yèmmè

mɛmɔu? Kɛ Amanni dɔ nɛ o yɛmmɛ miɛkɛ okpààti yóó déúkùnnɛ wɛ kɛ dɛ í tú mí!

<sup>7</sup> Kɛ dɔ: Kòo kpààti dɔ kédéúkùnnɛ onìti

<sup>8</sup> wɛɛ ò dàtínné dikpààtiyaàbòrì ò daati dì, kóò dèe ntesǎntɛ ò dèkù tɛ, kóò òó ndikpààtìpì,

<sup>9</sup> kédúú nkè mìníísì mǔu dàtínné dɛ yìè tikpààtiyààti, kóò dèe ntesǎntɛ kóò fiténè dihèi, kèmpīèkù kɛ tú: Kòo kpààti dɔ kédéúkùnnɛ onìti ò ǎǎ ò dǎǎ miɛ mɛɛ.

<sup>10</sup> Kòo kpààtìi náké Amanni kɛ dɔ: Mɛcǎǎ nkétúótɛ diyaàbòrì nɛ tesǎntɛ kɛ mɛ dǎǎ Sifu Maadosee wɛɛ bo tɛkpààtìcīètɛ towà, a báá súó ntìmatì a bɛi ntì.

<sup>11</sup> Kɛ Amanni túótɛ diyaàbòrì kédátínné Maadosee kóò dèe ntesǎntɛ kénfirínè dihèi kɛ tú: Kòo kpààti dɔ kédéúkùnnɛ onìti ò ǎǎ ò dǎǎ miɛ mɛɛ.

<sup>12</sup> Dɛ kó difǎnkùò kɛ Maadosee kò ntekpààtìcīètɛ, kɛ Amanni nkūnti mɛcǎǎ kɛ kǎnké kuyààkù o ìkè nɛ ifei,

<sup>13</sup> kénáké o pokù Sedesi nɛ o nɛpobè dèè dǎǎ. Kɛ bè dɔ: Dɛ kóò Maadosee a di wɛɛ ìkè ifei ò tu Sifu nwe, a í yóó na kédǎǎ tìmatì, a dǎkɛ yóó yíé kédìmu ifei.

<sup>14</sup> Bè kpáá kɛ mɛ nnáá nkè bè fǎmmu bè kɛ bè pī ntekpààtìcīètɛ miɛkɛ mutǎmmú kɛ bèe tuokoo kóò túótɛ mɛcǎǎ nkékɔtenɛ Esitɛɛ cìɛ, wenwe nɛ okpààti kɛ bè bo di Esitɛɛ bè bènné mùù dii.

## 7

### *Bè cǎmmɛ Amanni kudú*

<sup>1</sup> Okpààti nɛ Amanni kɛ bèe kɔtɛ Esitɛɛ cìɛ mudii.

<sup>2</sup> Diyìè dɛrì kɛ bèe di kédèè kòo kpààti dɔ: Oni-tipokpààti Esitɛɛ a dɔ ba? Bá n kpàtì kó dikéè m bo tì nda dú.

3 Kε Esitεε dδ: Okpààti kàa bo yie nha yóu kε nní nfòu mí nnè n kàbe.

4 Bè ti fitému mí nnè n kàbe ke yóo ti fié. Kε bè do nti fité ke ti bo ntú ntidaati n na bá mbéi nkébenné ké nda káónnè f́ nhokpààti.

5 Kòo kpààti Asuyeduusi dδ: Wenninwe wèè totí meyèmmè memme, de yiè mbore?

6 Kε Esitεε dδ: Ti kprantídèntòu, ti dootitòu tu Amanni nwe onitiyonkuwe.

Kε kufōwáá nhauté Amanni okpààti nè o pokù be ìkè.

7 Kòo kpààti miεke peike, kòo íté dende bàmbà nkéyè tekpààticīètè towaà, kε Amanni nkpráá ke báá nhEsitεε kòo bo yóu kòo nfòu.

8 Kòo kpààti nwētíní bè do yo ndè, kénsó nhAmanni do Esitεε duó dii dóu ñnkè. Kòo kpààti kuónko ke dδ: De kóo nìti dó kēpī m pokù nwe kéduónè n nònfè miεke n cīètè!

Ò kpráá ke me nnáá nkòo tōmbèè bóu Amanni ìkè kuyààkù.

9 Be miεke kε Adibona dδ: Okpààti Amanni ciéké kudú nku ke bo cóó mMaadosee wèè do da deeté, kε ku okùmè bo métìribè sipísidé nè mènùmmù. Kòo kpààti dδ: Cóónnè Amanni ku ñnkè.

10 Kε bèe cóó nhAmanni kudú ò do ciéké kù, kòo kpààti miεkeε do.

## 8

### *Okpààti duómmè dinùu Sifube*

1 De kó diyìè ndi okpààti Asuyeduusi duómmè Esitεε Amanni Sifube dootitòu kperε demou, kε

Esitεε náké okpààtì Maadosee tumè o cǐètè kou, kòo dúó nkè bèè ò yùní.

<sup>2</sup> Kòo kpààtì títóte mumámáá nhò do dúó mmù Amanni kéduó mMaadosee kè Esitεε ò dúó nhAmanni cǐètè kòò mbaké.

<sup>3</sup> Kè Esitεε wéte okpààtì borè kédò kénínkú o ìikè ké nhò bàá nke tú, wèe yete Amanni Akaki yaàbire yē mbèe dǎò mèè yei nSifube.

<sup>4</sup> Kòo kpààtì youte o pààtìi mesǎǎ nkǎku, kè Esitεε íté kécómú

<sup>5</sup> ke dǎ: Okpààtì kàa pènsìrì ke bo n dǎò mesàà nke n dǎ, a wǎri yepáte kèpaa nhAmanni Mèmedata bire Akaki yaàbire do wǎri tì ke bo kuǎ Sifube a tempē nyimǎu miεke.

<sup>6</sup> M bo yīme ke nwúónko kè bèe kuǎ n kǎbe? M bo yīme kénwúó mbè kǎù dè n kǎbe?

<sup>7</sup> Kòo kpààtì Asuyeduusii náké Esitεε nè Sifu Maadosee ke dǎ: N dúómmu Esitεε Amanni cǐètè kè bèè ò cǎó nkudǎú ò do dǎ mèè kpéí nkékuǎ Sifube.

<sup>8</sup> Di bo na kèwǎri nè n kó diyètìrì di dǎ tì, tìi yóó teennè Sifube, kéíku n cannimè. Ke yé tìi wǎri ke ìkú n cannimè nè n kó diyètìrì tì òǎ í ncèetemè.

<sup>9</sup> De kó diyèè otǎàtǎánwè, otǎnkù bè tu we Sifǎǎ\*, diyèè sipísìdé nè ditǎánni kè bèe tíi nhokpààtì pátíwǎàbè kè Maadosee náké kè bèe wǎri yepáte kéduó nSifube nè okpààtì tǔmbè, nè mìníísibè nè kùmàndáàbè bèè bo itempē ntekǎutè nè sipísìdé nè ìyiekè (127) miεke, kétúóté Ëndi kétuǎkenè Etiopii,

\* **8:9 Sifǎǎ:** Bè do kaa mmèè botí betǎàbè tì í me nkaa nyíe. Wénté 3:7. Be kóo tǎnkù Sifǎǎ berínè tì kó betǎàbè onummuwè nè okuónwe de cuokè nke (tipǎòdùtì nè diyodòrì de cuokè).

kéwāri bá kùù botí nè ku náàntì nè ku wārii, kéwāri Sifubɛ nè be náàntì.

<sup>10</sup> Bè do yè wāri nè okpààti yètìrì ndi kéĩkú o cannimè, ké yè duó mbesāndèèbè kè bèe deke sisɛĩ sii cāá kékɔte ké yè totí,

<sup>11</sup> ke wāri yepáte mieke ke tú: Okpààti duómmu dinùù Sifubɛ bèè bo o ekè yemou ke tú bèe tíí nkédɛɛtè be fòmmu, ò bè pāmu dinùù ke tú bèe fíé itempɛ nyimou kɔbe bèe bo ndó ké bè dokénè, bè bo na kékúɔ benitipòbè nè ibí kéheí be kperɛ.

<sup>12</sup> Okpààti Asuyeduusi do bè duó ndii nùù do dò nkédòò diyie òimàà ndi, dibenni tǎnkù tepítè nè odérì diyie tepítè nè ditāānni.

<sup>13</sup> De kó yepáte do mɔke muwērímú mmu bè yè duó nyii tempɛ mmiɛke, ke náá mbenitibè bemou ke tú kè dè yie tùòkení Sifubɛɛ báátí kédokénè bèè dó ké bè kùɔ.

<sup>14</sup> Okpààti bè duó ndii mōnni dinùù, kè besāndèèbèe deke sisɛĩ cāasi kécoké mecāā nképité tináahti diheidiè Susi.

<sup>15</sup> Kè Maadosee yenni tekpààticĩètè ke dáátí dikpààtiyaàbòrì dii ā mewũò nnè mepéi, kénóó ndiyààbòkperì dii wũò ke péi. Kè dèe narike Susi kɔbe kè bè mpĩèkù ke péú.

<sup>16</sup> Kè dèe narike Sifubɛ, kè diwèi mbè bo bè bè dèúkùnnemè.

<sup>17</sup> Okpààti duó ndii nùù tùòke dii mōnni yehèkè kè dèe narike Sifubɛ kè diwèi mbè bo kè bè āā yebaa nke yo ntidiiti, kè kufōwaá nhauté benitibè, kè besūkùbèe naá nSifubɛ.

### *Sifubɛ namɛ bɛ dootitɔbɛ*

1 Dibenni tɔ̀nkù tɛpítɛ nɛ odɛ̀rì diyìɛ tɛpítɛ nɛ ditáánnì, okpààtì dɔ́ú ndìi nùù do dò nkédɔ̀dò d̀iì yìɛ, Sifubɛ dootitɔbɛ yɛmmɛ do dò mbɛɛ yóó bɛ na, kɛ Sifubɛ bɛɛ né wɛ̀tɛ kɛ bɛ na.

2 Okpààtì Asuyeduusi tempɛ nyimɔu miɛkɛ kɛ Sifubɛɛ tí nkébaao bɛ̀ɛ̀ bɛ̀ dónɛ mɛyɛi, nhòmɔ̀ù í ndàátì kécómmú bɛ ìkɛ, kɛ yé kufɔ̀waá ndo bɛ autémɛ.

3 Kòo kpààtì tũmbɛ nɛ kùmàndáàbɛ bɛ̀ɛ̀ baké itempɛ, m̀nínìsìbɛ nɛ okpààtì tɔ̀mbɛ kɛ bɛ̀ɛ̀ kónné Sifubɛ bɛ̀ dé mɛ̀ kɛ́í mMaadosee.

4 Menkɛ Maadosee do deukɛmu tekpààtìc̀fɛ̀tɛ miɛkɛ, kòo yètìrìi feitɛ itempɛ nyimɔu kòò ndéúku.

5 Kɛ Sifubɛɛ dɔ̀dò bɛ dootitɔbɛ bɛ̀ dómɛ, kɛ bɛ̀ kùɔ̀nɛ yɛsɛ kɛ benitìbɛ kú kénsũ mɛdiɛ.

6 Sifubɛ do kùɔ̀ Susi diheidiɛ miɛkɛ benitìbɛ sikhɔ̀sìnũmmù (500) ndi.

7-10 Kɛ bɛ̀ɛ̀ kuɔ̀ Amanni Amɛdata birɛ Sifubɛ dootitɔ̀ù bí tɛpítɛ: Padisannɛdata nɛ Dadifɔ̀ɔ̀ nɛ Asipata nɛ Podata nɛ Adaya nɛ Adidata nɛ Padimaseta nɛ Adisaii nɛ Adidadia nɛ Fayesata. Bɛ mɛ nyí nhɛi dɛmarɛ.

11 Dɛ yìɛ mómmɔ̀nni kɛ bɛ̀ɛ̀ náké okpààtì bɛ̀ kùɔ̀ benitìbɛ kɛ bɛ̀ màmɛ Susi diheidiɛ miɛkɛ.

12 Kòo kpààtìi náké Esitɛɛ kɛ d̀ò: Sifubɛ kùɔ̀ Susi diheidiɛ miɛkɛ benitìbɛ sikhɔ̀sìnũmmù (500) ndi nɛ Amanni bí tɛpítɛ, bɛ̀ né bo nkùɔ̀ bɛ̀dɛ itempɛ nteì miɛkɛ? Kàa kpáá d̀ó tìmatì n náké kɛ n tì d̀òd̀, a d̀ó ò̀nti? N yóó tì d̀òd̀mu.

13 Kɛ Esitɛɛ d̀ò: Okpààtì kàa bo yìɛ nha duó ndinùù Sifubɛ kɛ bɛ̀ naa yìɛ d̀òd̀ bɛ̀ d̀òd̀mɛ yìɛ nSusi kó diheì kécóó nhAmanni bí tɛpítɛ idɛi ìnkɛ.



14 Kòo kpààtìi yie nkè bèε pité de kó tináaàtì diheì kécsóó nhAmanni bí tepíítè ideí ìnkè.

15 Kè Sifube bèè bo Susi kè bèε tíí ndibenni tǎnkù tepíítè nè odéri diyie tepíítè nè dinaanni, kékuo benìtibè sikousitàāti (300), bè mè nyí nheí dèmarè.

16 Sifube bèè bo itempē ntei kè bèε tíí nkébaao be dootitǎbè kéδεετέ be fòmму, kékuo benìtibè sikouπίσίyiekè nè sikouπίσίnùmmù (75000), bè με nyí nheí dèmarè.

17 De do dǎò dibenni tǎnkù tepíítè nè odéri diyie tepíítè nè ditāānì yie ndi. Diyie tepíítè nè dinaanni yie kè bèε yóu kéānné dibanni kényānku nè diwèi.

18 Sifube bèè bo Susi bembε do kpa nteπíítè nè ditāānì nè dinaanni ndi, kéom̄pè nè dinummurì, kéānné dibanni kényānku nè diwèi.

19 Kè Sifube bèè bo yehékè sám̄póyè kè bembεε baá ndibenni tǎnkù tepíítè nè odéri diyie tepíítè nè dinaanni kέpāmmú betǎbè yepārè.

*Sifube āāmè dibanni ke denniní bè namè be dootitǎbè*

20 Kè Maadosee wāri de kó tináaàtì yepáte kéduó nSifube bèè bo Asyeduusi tempē nyimou, ì tǎké nè ì dētiri.

21 Ke dǎ bè ní ānné dibanni bá diì benni otǎnkù tepíítè nè odéri diyie tepíítè nè dinaanni nè dinummurì.

22 De kó yewe nye Sifube namè be dootitǎbè, kè meyeñcaàrimèe naá ndiwèi, kè meyei nnaá mmesàà mbè do dò nkémbaàmmu kéndenniní de kó yewe kpéi nke pāā mbetǎbè yepārè, ke pāā nnè becīribè yepārè.

23 Kε Sifubεε yie mMaadosee bεi ntì, kε δε kó dibannii naá mβε kó ikuó.

24 Kε yέ Amanni Amεdata birε Akaki yaàbirε do dómε kékuo Sifube kébo nyipããdíítí ke bo ya ðii yìè ndi ò yóó bè kùomè.

25 Kε Esitεε kote kέyà okpààtì, kòo yie nkéwāri ke dò: Bεε kuo Amanni wèè dó kékuo Sifube. Mεmμε bè còmmè Amanni nè o bí idεí.

26 Dεε te kε bè yu δε kó dibanni ke tú mudítíbømmù.

Kε Sifubεε yie mMaadosee bεi ntì ke yέ bè yàmè bεmómmbε dèè dòò.

27 Kε bèε dού ndε kó ikuó be kpéi nnè be yaàbí kpéi nnè bèè yóó naá nSifube be kpéi nkε bè bo mbaà ndε kó yewe yεδέ bá ðii benni kéndònnè Maadosee béimmè.

28 Dε kó dibanni dò nkémbomu sãã, bá tèè cīètè, bá kùù tempē mbá ðii εi, bè mbaà mmudítíbømmù banni ke denniní δε kó yewe, bè báá yè yέ mbè báá yè yóu.

29 Kòo nitipokpààtì Esitεε nè Sifu Maadosee, kε bèε yíε kéwāri yεpáte ke yíε kécéékùnnε mudítíbømmù banni.

30 Kε bèε wāri yεpáte Sifube bèè bo Asuyeduusi tempē nyimou miεke ke dò diwèi mbè bo nè kunaatí.

31 Kε bèε bè nàké ke dò bè mbaà mmudítíbømmù banni δε kó yewe. Onitipokpààtì Esitεε nè Maadosee bèè do dού ndε kó ikuó ké ì mbo be kpéi nnè be yaàbí, ke dònne menùboúmmè nè yedabùò nkpeyi.

32 Kε Esitεε yíε kécéékùnnε mudítíbømmù banni, kε bèε wāri δε kó tináaàntì dipátiri miεke.

# 10

## *Maadosee δευκεμè*

<sup>1</sup> Kòo kpààtì Asuyeduusii duó nkòò tenkè kemou kàβε mpí mmutǽmmú nè muwǽrímú nè dàméèrì také kàboo.

<sup>2</sup> Okpààtì wǽrímú diemù nè o kǽmbàtǽmmú nè ò dèe mmèè botí Maadosee, tì wàrimu Mediibe nè Perisiibe kpààtibè dàrìmè páte miεε.

<sup>3</sup> Maadosee weè do tũ nhokpààtì Asuyeduusi o tenkè miεε, ke tú onitidiεwè, kòò kàβε ò dé koò dó, kòò wanti be kó mesàà nke dó bè bo mbomè kè dè naati.

## **Bibiri Kuyie Nnààntì Pátírì** **The Holy Bible in the Ditammari language of Benin**

copyright © 2001 SIM International

Language: Ditammari

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-05-31

---

PDF generated using Haiola and XeLaTeX on 18 Apr 2025 from source files dated 31 Aug 2023

5e2d0f12-f1d8-567b-bf98-cf1de4599d16